



Groupe parlementaire

Här Claude Wiseler
President vun der Deputéiertechamber
19, um Krautmaart
L-1728 Lëtzebuerg

Lëtzebuerg, den 21. Februar 2024

Här President,

esou wéi d'Chambersreglement et virgesäit, bieden ech lech, dës parlamentaresch Fro un d'Madamm Minister fir sozial Sécherheet weiderzeleeden.

Aktuell kënnen d'Leit sech fréistens vum Alter vu 55 Joer un, vun der CNAP ausrechne loossen, wéi vill si viraussichtlech u Pensioun wäerte kréien. Vill Leit am mëttleren Alter sinn awer mat Decisioune konfrontéiert, déi schon Auswierkungen iwwert d'Erreeche vum Pensiounsalter eraus kënnen hunn, notamment, wann hir Wunnsituatioun sech ännert an si plangen e Prêt ze maachen. A sou engem Fall gehéiert d'Héicht vun der Pensioun zu den essentiellen Informatiounen, fir eng fundéiert Entscheedung kënnen ze treffen.

An deem Zesummenhang géif ech der Madamm Minister fir sozial Sécherheet gär dës Fro stellen:

- 1) Kéint d'Madamm Minister sech virstellen, den Alter vun deem un d'Bierger dës Informatiounen bei der CNAP kënnen anhuelen op 50 Joer erofzesetzen an/oder de Bierger en Instrument fir eng vereinfacht Héichrechnung zur Verfügung ze stellen, dat et hinnen erlaabt, op mannst mat approximativen Informatiounen ze schaffen?

Mat déiwem Respekt,



Fred Keup
Deputéierten